

գգիրն զայն, յեւանել նորա յատեան մի լիցի ընդունելի, և միւսն վասն իրաւանցն Հայոց. զայսոսիկ գրեանաւ առաքեաց Կարապետ Պատրիարք 'ի Կոստանդինուպօլիս առ Գրիգոր վարդապետ խօսիլ ընդ Յոյնս. զի պատուիրեսցեն իւրոցն չառնել զայսպիսի խաբէյութիւն, (1764):

Այլազգիք Սիոնի վերստին նորոգեցին զվէճս իւրեանց, զոր յառաջագոյն խափանեալ էին Հայք. քանզի եկեալ լանդրէին ջուր 'ի վանաց Ս. Փրկչի, զորոյ զննասն կրեալ էին միաբանք բազում անգամ. այլ իբրեւ ոչ կարաց ողութեւ զմիտս նոցա թարգմանն, ազգ արար դատաւորի քաղաքին. կոչեցան յատեան մեծամեծք Սիոնի, և 'ի հարցանել դատաւորին վասն այսր՝ ետուն պատասխանի և ասեն, եթէ պակասեցի 'ի մեզ ջուր, ունիմք սովորութիւն առնուլ զայն 'ի վանաց Ս. Փրկչի, եւ եթէ Հայք ոչ կամին տալ, հատուցեն մեզ 18 դահեկան, զի գնեսցուք ջուր յաղբերէն Սելովամայ. մերժեաց թարգմանն զխնդիրնոցա, թէ ոչ ունիմք զայդպիսի սովորութիւն, ոչ ջուր տալոյ և ոչ դրամ, և առաջի արար նոցա զհրովարտակն Վճ. և ընթերցեալ զայն դատաւորին, մերժեաց զնոսա յերեսաց իւրոց, և պատուիրեաց նոցա մի եւս պահանջել 'ի վանաց անտի ոչ ջուր և ոչ դրամ, զի հակառակ էր Կայսերական հրամանին:

Վախճանեցաւ Յակոբ Պատրիարք Նալեան 'ի Կոստանդինուպօլիս 1764 'ի 20 Յուլիսի, և թաղեցաւ 'ի գերեզմանատունն Հայոց 'ի Պէյօղլու կոչեցեալ տեղին:

Իսկ ինքն Կարապետ Պատրիարք հրամանաւ Օսման Փաշա կուսակալին Դամասկոսի չինեալ աւարտեաց զ16 սենեակս 'ի մէջ վանաց Ս. Յակոբայ, 'ի պէտս բնակութեան ուխտաւորաց, և ետ յատակել քարամբք զտանիս եկեղեցեաց Ս. Յակոբայ, ուր եղեալ է ինքնին ձեռամբ իւրով զյիշատակարանն. Ս. Հրեշտակապետի, Ս. Փրկչի, վերնատան և Լուսաւորիչ եկեղեցւոյ 'ի տաճարին Ս. Յարութեան, և վանաց Բեթղէհէմի, և զայլ կարեւոր նորոգութիւնս յիւրաքանչիւր տեղիս: Ի տանիս վերնատան Ս. Յարութեան եղ արձանագիր Հայեցի տառիւք, այլ յետ ժամանակաց Յոյնք անհետ արարին զայն անտի: Սակայն 'ի միջոցի աստ կրեաց բազում նեղութիւնս եւ տուգանս